



MAKLUMAT MENGENAI VAKSIN COVID-19 SINOPHARM

Kenapa kita perlu vaksinasi COVID-19?

Vaksinasi adalah langkah berkesan untuk melindungi diri sendiri, orang tersayang dan masyarakat daripada kesan berbahaya COVID-19. Walaupun tidak ada kes jangkitan di kalangan penduduk di Negara Brunei Darussalam, namun masih terdapat risiko terhadap wabak COVID-19. Semakin ramai yang diberikan vaksin, semakin tinggi tahap kekebalan atau imuniti penduduk terhadap penyakit ini.

Apakah vaksin COVID-19 Sinopharm?

Vaksin Sinopharm menggunakan versi virus asal yang tidak aktif dan yang telah diubahsuai. Langkah ini memusnahkan bahan genetik patogen yang menghalangnya daripada menyebabkan penyakit. Walaubagaimanapun, bahan yang tidak aktif tersebut masih dapat merangsang sistem imuniti tubuh badan dan mengajarnya bagaimana untuk melawan jangkitan virus tersebut apabila dijangkiti.

Adakah vaksin tersebut mengandungi produk berasaskan khinzir?

Vaksin Sinopharm COVID-19 tidak mengandungi produk yang berasal dari khinzir. Jabatan Perkhidmatan Saintifik telah menjalankan ujian ketat ke atas vaksin tersebut dan hasil ujian makmal menunjukkan bahawa tidak ada DNA khinzir atau gelatin yang dikesan dalam vaksin tersebut.

Adakah vaksin ini diberikan kebenaran khas untuk digunakan di Negara Brunei Darussalam?

Pihak Berkuasa Kawalan Ubat-ubatan Negara Brunei Darussalam (BDMCA) telah mengesahkan keselamatan dan keberkesanannya vaksin Sinopharm berikut proses penilaian saintifik yang ketat oleh Jawatankuasa Teknikal Vaksin COVID-19. Kebenaran Khas (EUA) untuk digunakan di Negara Brunei Darussalam telah diberikan semasa keadaan kecemasan atau Pandemik Kesihatan Awam.

Adakah vaksin ini digunakan di negara-negara lain?

Selain daripada Negara Brunei Darussalam, vaksin Sinopharm juga telah mendapat kebenaran khas untuk digunakan di sekurang-kurangnya, 27 buah negara lain termasuk China, Jordan dan Emiriah Arab Bersatu.

Sejauh manakah keberkesaan vaksin tersebut?

Keberkesaan vaksin Sinopharm telah dikaji dengan menggunakan kajian antarabangsa secara rawak Fasa 3, di sebilangan negara termasuk UAE, Bahrain, Mesir dan Jordan. Berdasarkan penemuan kajian ini, keberkesaan vaksin Sinopharm dalam mencegah penyakit COVID-19 simptomatif, selepas 2 dos adalah 78%. Ini adalah setanding dengan sebilangan calon-vaksin yang lain.

Sejauh manakah vaksin ini selamat?

Vaksin Sinopharm bergantung pada teknologi vaksin yang telah dicuba dan dipercayai. Data keselamatan tidak menunjukkan perbezaan yang signifikan dalam kadar kejadian advers di antara individu yang menerima vaksin berbanding mereka yang menerima plasebo. Sehingga kini, lebih daripada 60 juta dos vaksin Sinopharm telah diberikan di seluruh dunia dan tidak ada sebarang isu keselamatan serius yang dapat dikesan.

Siapakah yang boleh diberikan vaksin Sinopharm?

Vaksin ini selamat dan berkesan untuk digunakan di kalangan orang dewasa berumur 18 hingga 59 tahun. Vaksin ini akan diberikan mengikut jadual keutamaan yang telah ditetapkan dalam Strategi Kebangsaan Vaksinasi COVID-19.

Siapakah yang tidak boleh diberikan vaksin Sinopharm?

Individu-individu berikut tidak boleh menerima vaksin Sinopharm:

- Mempunyai alahan terhadap sebarang komponen termasuk eksipien
- Pernah menghidapi alahan sebelumnya terhadap vaksin
- Demam atau tidak sihat semasa menerima vaksin

Sebagai tambahan, Kementerian Kesihatan tidak mengesyorkan golongan berikut untuk diberikan vaksin Sinopharm oleh kerana kekurangan data kajian klinikal pada masa ini. Senarai ini mungkin akan diteliti semula apabila terdapat lebih banyak bukti:

- Epilepsi yang tidak terkawal atau penyakit sistem saraf yang progresif
- Mempunyai sejarah sindrom Guillain-Barre
- Mengandung
- Menyusui anak damit
- Penyakit yang tidak terkawal
- Penyakit kronik yang akut
- Kurang daya tahan/imuniti
- Kanser yang aktif

Sekiranya awda tidak pasti akan kelayakan awda, sila berjumpha dengan doktor awda sebelum menerima vaksinasi.

Bolehkan saya mengambil satu dos vaksin sahaja?

Dua dos vaksin Sinopharm adalah diperlukan untuk mencapai perlindungan optima terhadap COVID-19. Individu yang menerima vaksin Sinopharm harus mengambil dua dos, iaitu, 21 - 28 hari antara dos pertama dan kedua.

Bagaimanakah vaksin tersebut diberikan?

Vaksin Sinopharm diberikan sebagai suntikan ke otot lengan atas dan merangkumi 2 dos. Awda memerlukan kedua dos tersebut untuk mendapatkan perlindungan vaksin sepenuhnya, dan bagi perlindungan tersebut untuk bertahan selama mungkin.

Bolehkah saya diberi vaksinasi jika saya sakit pada hari vaksinasi?

Jika awda kurang sihat, sila ubah jadual atau perjanjian awda menerusi aplikasi BruHealth.

Saya terlepas temujanji vaksinasi saya. Apakah harus saya lakukan?

Seboleh-bolehnya, sila hadir semasa perjanjian awda untuk mengelakkan daripada penolakan perjanjian orang lain dan memastikan proses vaksinasi dapat berjalan lancar. Sekiranya awda terlepas perjanjian awda, sila buat tempahan perjanjian melalui aplikasi BruHealth secepat mungkin.

Adakah sebarang kesan sampingan? Apakah harus saya lakukan jika mengalami sebarang kesan sampingan?

Vaksin ini telah diuji dan didapati selamat untuk digunakan. Walaubagaimanapun, awda mungkin mengalami kesan sampingan yang lazim berlaku dengan vaksin-vaksin yang lain. Ini termasuk rasa sakit dan bengkak pada tempat suntikan, demam panas ringan, sakit otot atau sakit sendi. Kebanyakan kesan sampingan adalah ringgan dan lazimnya akan berkurangan selang beberapa hari.

Jika awda mengalami kesan sampingan tersebut di atas, awda boleh mengambil ubat paracetamol sebanyak 1-2 biji setiap 6 jam jika perlu. Awda harus berjumpha doktor jika simptom awda semakin teruk atau demam panas berpanjangan melebihi 2 hari.

Apa akan terjadi jika saya mengalami alahan (kejadian alergi)?

Walaupun alahan jarang berlaku dengan vaksin Sinopharm, namun jika awda telah meninggalkan tempat vaksinasi dan mengalami kemungkinan alahan (misalannya, bengkak mata atau bibir, kuligata, ruam kulit di seluruh badan, sesak nafas), awda harus segera mendapatkan rawatan perubatan dengan segera. Demam, menggigil, sakit otot, sakit kepala, sakit di tempat suntikan bukanlah reaksi alahan.

Sila laporkan kesan sampingan yang dialami melalui aplikasi Bruhealth atau mengisikan "BORANG LAPORAN SIMPTOM SELEPAS MENERIMA VAKSIN COVID-19". Hubungi Talian Nasihat Kesihatan 148 bagi sebarang nasihat atau pertanyaan.

Apa akan terjadi selepas vaksinasi?

Sehingga sebilangan besar penduduk kita telah divaksinasi, kita perlu terus mengamalkan langkah-langkah pencegahan, seperti mengamalkan kebersihan tangan, mengelakkan tempat-tempat awam ketika mengalami simptom jangkitan, dan mengimbas kod QR di premis-premis dengan menggunakan aplikasi BruHealth agar kita dapat terus melindungi diri dan orang yang kita sayangi.